

開悟乃往過去迦葉如來出現世間滅度之後

有比丘僧凡十萬人中有一沙門作僧自在身有疾患服藥自下憍傲恃勢不出便利以金銀澡槃就中盛尿令一弟子擔往棄之然其弟子是須陀洹由在彼世不能謙順自恃多財秉捉僧事暫有微患懶不自起驅役

聖人令除糞穢以是因緣流浪生死恒爲下賤五百世中爲人除糞乃至於今由其出家

持戒功德今值我世聞法得道佛告大王欲

知爾時僧自在者今尼提比丘是波斯匿王白世尊言如來出世實爲奇特利益無量苦惱衆生佛告大王善哉善哉如汝所言佛又

告曰三界輪轉無有定品積善仁和生於豪尊習惡放恣便生卑賤王大歡喜無有慢心即起長跪執尼提足而爲作禮懺悔自謝願除罪咎世尊爾時因爲廣說法微妙之義所謂論者施論戒論生天之論欲不淨想出要爲樂爾時大會聞佛所說各獲道證信受奉行

賢愚因緣經卷第六

盤六

駁疾上使史勦了交助

二音

同

先靡草苗

上

反

橐下羊音

反

懈慢上吾告反

下

耽荒上丁

含反

忌憚下許

反

誅討下徒反

一故

易操上莫晏反

七

到反

瞋憤下房音亦

反

電逝上羊音

反

挫戾上則音

反

殘戮下音

六

反

曳

賢愚因緣經卷第七

盤七

元魏沙門慧覺在高昌郡譯

大劫賓寧緣品第三十一

如是我聞一時佛在舍衛國祇樹給孤獨園
尔時國王名波斯匿于時南方有國名爲金
地其王字劫賓寧王有太子名摩訶劫賓寧

盤七

一

其父崩背太子嗣位體性聰明大力勇健所
統國土三万六千兵衆殷熾無能敵者威風
遠振莫不摧伏然與中土不相交通後有商
客往到金地以四端細疋奉上彼王王納受
已問商客言此物甚好爲出何處商客答曰
出於中國王復問言其中國者号字云何商

客啓曰名羅悅祇又名舍衛其數衆多不能具宣復問言中國諸王以何等故不來獻我商客啓曰各自霸土威名相齊以是之故不來奉耳王自思惟今我力勢能揔威攝一切天下何緣諸王不來承貢今當加威令彼率伏復問商客中國諸王何者最大商主白言舍衛國王爲最第一余時金地王即便遣使詣舍衛國持書示教其理委備告語其王波斯匿言我之威風遍闊浮提鄉爲所恃斷絕使命今故遣使共卿相聞卿若卧時間我聲者尋應起坐若坐聞者尋時應立若食聞聲應即吐哺若沐聞聲尋即搢髮若住時間應即相趣却後七日與我相見設不如是吾當興兵破汝國界波斯匿聞深用驚惶即往詣佛具白斯事佛告王言王還語使云我大更有大王王奉佛教告彼使言世有聖王近在此間卿可到邊傳汝王命使即時往詣於祇洹于時世尊自變其形作轉輪王令目連作

典兵臣七寶侍從皆悉備有又化祇洹令作寶城繞邊有七重灘其間皆有七寶行樹雜色蓮華不可稱計光明晃晃照然赫發城中宮殿亦是衆寶王在殿上尊嚴可畏於是彼使前入化城既覩大王情甚驚悚自念我君無狀招禍然不得已以書示之化王得書踰著脚下告彼使言吾爲大王臨統四域汝王頑迷敢見違拒汝速還國致宣吾教信至之日馳奔來觀卧聞當起坐聞應立聞吾令便當涉道尅期七日不得稽遲敢違期制罪在不請使受教竟還詣本國具以聞見白金地王王承斯問深自咎責合率所領諸小王

盤七

二

輦嚴辦車馬欲朝大王然有所疑未便即路先遣一使白大王言臣所揔秉三万六千王爲當都去將半去耶大王還報聽半留住但將半來時金地王將万八千小王同時來到既見化王謁拜畢已心作是念大王形貌雖復勝我力必不如化王于時勑典兵臣以弓

與之金地國王手不能勝化王還取以指張弓復持與之勑令引挽金地國王殊不能挽化王復取而彈扣之三千世界皆爲震動次復取箭彎弓而射離手之後化爲五發其諸箭頭各各皆出無數光明其光明頭皆有蓮華大如車輪一一華上各各皆有一轉輪王七寶具足奮演光明普照三千大千世界五道衆生莫不蒙賴諸天境界見其光明及聞說法身心清淨有得道果第二第三道者有發無上正真道意復有得住不退地者人道衆生見佛光明及聞所說心生踊躍其中有得一道二道三道之者出家入要得應真者有發無上正真道意得不退地不可稱計餓鬼中者見佛光明及聞所說皆得飽滿身心清淨無諸熱惱皆生慈心恭敬於佛即得解脫生人天中畜生中者見佛光明貪欲瞋恚皆得消除癡心矇冥尋得醒悟皆悉歡喜信敬於佛即得解脫生人天中地獄中者見佛

光明寒則煥煥熱則清涼苦痛之處即得休息身心踊躍恭敬於佛即得解脫生天人中余時摩訶劫賓寧王金地諸王見斯變已其心信伏遠塵離垢得法眼淨万八千王一時皆然須臾之頃佛攝神力還復本形諸比丘僧前後圍遶金地王衆求索出家佛即聽許

鬚髮自墮袈裟在體思惟妙法盡得阿羅漢果阿難白佛此金地王宿種何行生在豪尊功德巍巍遭值佛世逮成無漏佛告阿難衆生由行受其果報乃往過去有迦葉佛般涅槃後有一長者爲起塔廟造作堂閣四供養具歲月漸久而塔崩落牀褥衣食亦復斷絕其主長者有子比丘便行勸化人民之類各令減割用治斯塔又設飲食牀卧之具諸人同心咸共供承因發言願願當來世富貴長壽遭值佛世聞法獲證行報無遺皆令果成佛告阿難余時長者子比丘者今金地王摩訶劫賓寧是其諸人民受道化者今万八千

諸王是也佛說是法衆會聞者逮得道證發心不退受持至教歡喜奉行

微妙比丘尼緣第三十二

聞如是一時佛在舍衛國祇陀精舍波斯匿王崩背之後太子琉璃攝政爲王暴虐無道驅逐醉象踰殺人民不可稱計時諸貴姓婦女見其如是心用憔悴不樂於俗即共出家爲比丘尼國中人民見諸女人或是釋種或是王種尊貴端正國中第一悉捨諸欲出家爲道凡五百人莫不歎羨競共供養諸比丘尼自相謂言吾等今者雖名出家未服法藥消姪怒癱寧可共諸輸蘭難陀比丘尼所諮詢經法冀獲所曉即往其所作禮問訊各自陳言我等雖復爲道未獲甘露願見開悟時鑰蘭難陀心自念言我今當教令其反戒吾攝衣鉢不亦快乎即語之曰汝等尊貴大姓田業七寶象馬奴婢所須不乏何爲捨之受持禁戒作比丘尼辛苦如是不如還家夫婦

男女共相娛樂恣意布施可榮一州諸比丘尼聞說是語心用惄然即各涕泣捨之而去復至微妙比丘尼所前爲作禮問訊如法即各啓曰我等在家習俗迷久今雖出家心意蕩逸情欲煩熾不能自解願見憐愍爲我說法開釋罪蓋今時微妙即告之曰汝於三世欲問何等諸比丘尼言去來且置願說現在解我疑結微妙告曰夫姪欲者譬如盛火燒于山澤蔓延滋甚所傷彌廣人坐姪欲更相賊害日月滋長致墮三塗無有出期夫樂家者貪於合會恩愛榮樂因緣生老病死離別縣官之惱轉相哭戀傷壞肝心絕而復蘇在家深固心意纏縛甚於牢獄我本生於梵志之家我父尊貴國之第一今時有梵志子聰明智慧聞我端正即遣媒禮娉我爲婦遂成室家後生子息夫家父母轉復終亡我時妊娠而語夫言我今有身穢汚不淨日月向滿儻有危頓當還我家見我父母夫即言善遂

便遣歸至於道半身體轉痛止一樹下時夫別卧我時夜生汚露大出毒蛇聞臭即來殺夫我時夜喚數次無聲天轉向曉我自力起往牽夫手而被毒蛇身體腫爛支節解散我時見此即便悶絕少時大見見父母死失聲號叫我聞兒聲即時還蘇便取大兒擔著頸

盤七

五

上小者抱之涕泣進路道復曠險絕無人民至中路有一大河既深且廣即留大兒著於河邊先擔小兒渡著彼岸還逆大者見遙見我即來入水水便漂去我尋追之力不能救浮沒而去我時即還欲趣小兒狼已噉訖但見其血流離在地我復斷絕良久乃蘇遂

進前路逢一梵志是父親友即問我言汝從何來困憊乃余我即具以所更苦毒之事告之余時梵志憐我孤苦相對涕哭我問梵志父母親里盡平安不梵志即答我言汝家大小近日失火一時死盡我時聞之即復悶絕良久乃蘇梵志憐我將我歸家供給無乏看

視如子時餘梵志見我端正求我爲婦即相可適共爲室家我復妊娠日月已滿時夫出外他舍飲酒日暮來歸我時欲產獨閑在內時產未竟梵志打門大喚無人往開梵志瞋恚破門來入即見搗打我如事說梵志遂怒即取兒殺以酥熬煎逼我使食我甚愁惱不忍食之復見搗打食兒之後心中酸結自惟薄福乃值斯人即便亡去至波羅捺在於城外樹下坐息時彼國中有長者子適初喪婦乃於城外園中埋之戀慕其婦日往出城塚上涕哭彼時見我即問我言汝是何人獨坐道邊我如事說復語我言今欲與汝入彼園觀寧可余不我便可之遂爲夫婦經歷數日時長者子得疾不救奄忽壽終時彼國法若其生時有所愛重臨葬之日并埋冢中我雖見埋命故未絕時有群賊來闖其冢余時賊帥見我端正即用爲婦數旬之中復出劫盜爲主所覺即斷其頭賊下徒衆即將死屍而

來還我便共埋之如國俗法以我并埋時在冢中經乎三日諸狼并狗復來開冢欲噉死人我復得出重自剋責宿有何殃旬日之間遇斯罪害死而復生當何所奉得全餘命即自念言我昔嘗聞釋氏之子棄家學道道成號佛達知去來寧可往詣身心自歸即便徑

盤七

六

往馳趣祇洹遙見如來如樹華茂星中之月余時世尊以無漏三達察我應度而來迎我我時形露無用自蔽即便坐地以手覆乳佛告阿難汝持衣往覆彼女人我時得衣即便誓首世尊足下具陳罪厄願見垂愍聽我爲道佛告阿難將此女人付瞿曇弥令授戒法

有子息更取小婦雖小家女端正少雙夫甚愛念遂便有身十月已滿生一男兒夫婦敬重視之無厭大婦自念我雖貴族現無子息可以繼嗣今此小兒若其長大當領門戶田財諸物盡當攝持我唐懃苦積聚財產不得自在妬心即生不如早殺內計已定即取鐵

盤八

七

針刺兒額上令沒不現兒漸稍病旬日之間遂便命終小婦懊惱氣絕復蘇疑是大婦妬殺我子即問大婦汝之無狀怨殺我子大婦即時自呪誓曰若殺汝子使我世世夫爲毒蛇所殺有兒子者水漂狼噉身現生埋自噉其子父母大小失火而死何爲謗我何爲謗

時大愛道即便受我作比丘尼即爲我說四諦之要苦空非身我聞是法刻心精進自致應真達知去來今我見世所受勲苦其可具陳如宿所造毫分不差時諸比丘尼重復啓曰宿有何咎而獲斯殃唯願說之微妙答曰汝等善聽乃往過去有一長者財富無數無

城乞食有長者婦見之歡喜即供養之緣覺食已飛昇虛空身出水火坐卧空中婦時見之即發願言使我世世得道如是尔時婦者則我身是緣是之故得見如來心意開解成羅漢道今日我身雖得羅漢恒熱鐵針從頂上入於足下出晝夜患此無復竟已殃禍如是無有朽敗尔時五百貴姓比丘尼聞說是法心意悚然觀欲之本猶如熾火貪欲之心永不復生在家之苦甚於牢獄諸垢消盡一時入定成羅漢道各共齊心白微妙曰我等纏綿繫著婬欲不能自拔今蒙仁恩得度生死時佛歎曰快哉微妙夫爲道者能以法教轉相教成可謂佛弟子衆會聞說莫不歡喜

稽首奉行

梨耆彌七子緣品第三十三

如是我聞一時佛在舍衛國祇樹給孤獨園爾時波斯匿王有一大臣名梨耆彌家居大富生七男兒爲其妻娶已至千六殘第七子

當爲求婦自思惟言吾年衰邁餘唯一兒爲之納室要令殊勝時此長者有一親厚婆羅門來共相見因議語曰今我欲爲小兒求婚未能知處卿自昔來遊行諸國今欲煩君爲我推覓若見有女端正賢智性命相宜適我子意乃當求之時婆羅門即便然可遍行覓到特義尸利國見有五百童女羣行遊戲採取好華用作拂飾此婆羅門隨逐觀之轉復前行當渡少水諸女子輩皆脫革屣中有一女獨而不脫革屣入水轉復前行續更有河衆女褰衣尔乃入水唯此一女獨并衣入前行林間諸女各各上樹採華時此一女自不盤七八

上樹從他索之得華甚多時婆羅門問此女言我有小疑欲得相問其女答曰有疑便問婆羅門言向者諸女當入水時盡脫革屣汝獨不脫有何意故時女答曰汝癡何甚所以作屣正用護脚陸地之事眼有所見荆棘瓦石可得避之水底隱匿眼所不覩儻有棘刺

及諸毒蟲傷害人脚是以不脫時婆羅門復更問言以何事故并衣入水時女答言女人之身相有好惡褰衣入水爲人所見相好則可不好嗤笑以是事故而不褰之時婆羅門復更問言以何緣故獨不上樹女便答言若當上樹樹枝儻折危害人身以是事故而不上耳此女即是波斯匿王弟曇摩訶羨女也羨昔因罪逃奔彼國便於彼上安家納娶而生斯女字毗舍離時婆羅門聞女所說知必賢能而問女言汝父母在不女答曰有遂逐到門求共相見女入白父外有婆羅門欲見大人時曇摩羨便出見之間訊已竟而語之

言向者女子是君女不答言是也爲有主未答言未也婆羅門言舍衛國中有一大臣字梨耆彌君識之不答言舊識婆羅門言是梨耆彌最下小兒端正聰明欲求君女共爲婚姻可得余不曇摩羨言彼是豪姓本與匹偶苟其欲得情在無違已蒙許可便共剋日余

令斷絕女即長跪奉受教勑梨耆彌聞陰用爲恨人生一世苦樂無定好衣飲食如何得常恒照明鏡斯亦非理雖有此念難不問之客主相辭於是別去大小徒侶進引歸國於道中間有一客舍四面垂軒極爲清涼其先到者在下休息兒婦後至啓白公言此不可住速出向外公不違之出向露廁左右數人不肯出去時有象馬身體癱瘓以身揩柱屋即崩壞鎮殺下人時梨耆彌作是念言我今脫死由是見婦敬遇之心倍益隆厚即便駕乘進路而歸到一大澗草茂水美衆人息駕側澗而住兒婦後到便語之言住此不快速

出岸上即用其言遠澗休息須臾之頃便有雲起震雷降雨滂霈而下溢澗流來時梨耆亦復重念曰吾等今日再脫於死由此兒婦得全身命復勑嚴駕涉道進前既達本國中表親里悉來慶問長者欣悅即設供具共相娛樂終竟一日賓客既罷是時長者召諸兒婦而告之曰吾今年高厭衆事務家居器物欲有付託卿等諸人誰能爲我知藏執鑰六大兒婦盡辭不堪其第七者自言能任于時長者以諸藏鑰悉以付之既已受命勤謹不憇朝夕早起灑掃堂舍炊蒸已竟先餌公姑及諸男女後飯奴婢僮僕使人各各分處赴趣作業然後自食以是爲常公見忠恪不與凡同恠前母囑而不用之便問之曰汝前來時被母教勑好衣美食日照明鏡其事云何卿可說之兒婦長跪具答事狀我母所約著好衣者體上大衣教使愛護恒令淨潔時間客會可得鮮妙所勑美食非謂甘肥教使晚

飯飢虛得食麤細盡美其門鏡者非銅鐵鏡教令早起勤灑掃內外整端牀席務令淨潔我母所囑其事如是時公聞之知有妙才情存待遇甚倍於前家中衆物悉以委之歡喜泰然無復憂慮時有羣鴈飛入海渚食散糧米食之既飽衝趨翔來當王宮上失墮殿前諸人見之取用奉王王見奇好必中作藥勑使留種莫得棄散付與諸臣各令植之時梨耆彌亦得少許持至於家教令種之兒婦奉取驅率奴僕調和桂田於中下種後生滋茂大獲子實諸人種者消息失度悉皆不生時王夫人歟得篤疾召問諸醫治病所由中有醫言當須海渚粳米作食食之余乃可瘥王自憶念昔得其種付人墾植今當推校爲有爲無即召諸臣而問之言前勑種稻爲或熟不今日急須用治困患諸臣各自說本末或云不生或云鼠噉時梨耆亦歸家問曰前種稻米爲獲實不欲得與王治夫人疾兒婦

答言家內豐多若用作藥足周一國不但濟一人也時梨耆彌即送與王尋用作食以與夫人夫人食已病得除愈王甚歡喜大與賞賜時特又尸利舍衛二國共相嫌隙常不和順時特又尸利王欲試舍衛有賢智不遣一使者至舍衛國送駒馬二匹而是母子形狀

盤十七

十一

毛色一類無異能別識者實爲大善王及羣臣不能分別時梨耆彌從宮歸家兒婦問言有何消息公即答言如向所見兒婦白言此事易知何足爲憂但取好草並頭而與其是母者推草與之其是子者拗博食之時梨耆彌尋往白王王如其語以草試之果如其策母子區別耶語使者斯是馬母彼是其駒時使答言審如來語無有差錯王大歡喜倍加爵賞時彼來使還歸本國具白諸理時特又尸利王便遣使送二蛇鹿細長短相似如一能別雌雄者斯亦大善波斯匿王及諸羣臣無能識者時梨耆彌歸問兒婦此復云何兒

婦答言以一端細墨敷置於地取此二蛇用著盤上若是雌者靜然不動其是雄者搔擾不寧何以知之女之爲性愛著細滑得軟生染不欲動搖男子性剛轉側不安以此推之可足知矣長者聞已即往白王王從其計尋時試之果如所言了了識別告彼使曰是雄是雌使尋報曰審亦不虛王甚慶悅大賜財寶時彼國王復送一木長滿一丈根杪正等無有節梅刀斧之迹而語之曰若能別識此木上下亦大快善甚不可量王及諸臣無能識者時梨耆彌復問兒婦兒婦答言此事易耳但取其木用著水中根自沉沒頭浮在上長者聞已復往白王王用其語而便試之果如其計沉浮各殊語彼使言浮者是頭沉處是根時使答言信如所論王益歡喜重與賞賜彼使還國具白因緣其王聞之心用信伏更遣使命兼獻珍寶因復語曰大王國中實有賢達自今已後當修義好波斯匿王情倍

蹠蹠召梨耆而問之曰頃來諸事卿何由知梨耆殊言非臣所達是臣兒婦之智辯耳國王聞已深加欣敬拜其兒婦用爲王妹復經少時見婦懷妊日月已滿生三十二卵其一卵中出一男兒形體顏貌端嚴挺特年遂長大勇健無雙一人之力敵於千夫父母敬

盤七

十二

念合國敬畏後爲納娶各已備畢純是國中豪賢之女時毗舍離信心開解請佛及僧於舍供養佛爲說法合家眷屬得須陀洹唯末小兒未獲道迹時乘白象欲出遊戲門外有灘既深且廣於其灘上有大木橋時此少年適到橋宕少時復有輔相之子乘車外來橋中相逢各恃豪性不相避毗舍離兒便懷瞋恚就於象上低身下向捉輔相子并其車乘擲置灘中身體傷破百節皆疼痛哭而歸白其父言毗舍離兒橫見毀辱傷我身體苦痛若斯其父聞之甚用懊惱恤其子言彼人力壯又是國親難與爭勝當思密計以報此

盤七

十二

其妹當於是日其毗舍離請佛及僧就家供養見王送函謂爲致供來相助辦便欲開看世尊告曰且住勿解須待食竟食飲已訖便命令坐爲其說法此身無常苦空無我生多危懼不得久立衆惱繆縛辛酸難計恩愛別離互相悲戀唐困身識於道無益唯有智者

怨即以七寶合爲馬鞭三十二枚用好純剛作刀箸中三十二人各遺一枚而語之言汝等年少體性自嬉故作此鞭而用相贈幸可納之恒捉在手諸人歡慶便爲受之是時國法見王之時禮不帶刀於是輔相已見納受而常秉執便向國王深譖讒之云毗舍離三

十二人年盛力壯一人敵千今懷異計謀欲害王王雖聞之情猶未信復更白王事審不虛現有證驗各作利刀置馬鞭中以此推之事足明矣王即索看果如所言王意便信謂必爲然選擇力士安在宮內一一召喚於裏殺之以三十二頭盛著一函繫縛封印送與

盤七

十二

能解此要時毗舍離霍然情悟得阿那含道歡喜合掌白世尊言唯垂矜愍見賜四願一者諸病比丘給足湯藥隨病飲食二者看病比丘亦給其食三者遠來比丘先供養之四者遠行比丘給辦糧餉所以者何諸病比丘由無湯藥好飲食故其病難瘳或復沒命瞻病比丘由無食故當捨乞食早晚無時病人所須或能差饑違心恚怒病則難愈以是之故當施其食時有他方遠來比丘初到異土未有知識若行乞食或值惡狗或逢弊人儻能瞋恚傷損毀辱以是之故當先與食遠去比丘當須伴侶由無糧餉或不遠伴道路退險多諸毒獸設當獨涉或致危難我以是故當供給之尔時世尊聞毗舍離求此四願讚言善哉善哉如汝所願其德弘大供佛無異即與衆僧還到祇洹世尊去後開函視之三十二頭悉在函內由愛斷故不至懊惱但作是念痛哉悲矣人生有死不得長存驅馳五

道何苦乃尔三十二兒婦家親族聞此事理極懷瞋恚咸共唱言大王無道枉殺善人共合兵馬欲爲報仇軍衆雲集圍遼王宮時王恐怖退向佛所諸人聞之即引軍馬往圍祇洹尔時阿難聞波斯匿王殺毗舍離三十二子婦家宗黨欲爲報仇長跪舍掌白世尊言有何因緣三十二兒爲王所殺世尊告曰毗舍離子三十二人不但今日爲王所殺三十二人一時頓死汝今善聽持之在心當爲汝說阿難曰諾佛告阿難乃往過去久遠世時此三十二人共爲親友相與言議盜他一牛彼時國中有一老母無有子息單窮困厄時

七

古

諸偷兒往詣其舍欲共殺牛老母歡喜爲辦薪水煮熟之具臨當下刀時牛跪乞命諸人意盛必欲殺之牛便設誓汝今殺我將來之世我不置汝正使得道猶不相放立誓已竟便爲所殺諸人燒煮競共歎之老母因次亦得飽滿欣悅而言由來安客今日最善佛告

阿難爾時牛者今波斯匿王是爾時盜牛人者今毗舍離三十二子是爾時老母者今毗舍離是由此果報五百世中常爲所殺乃至於今彼時老母由助喜故五百世中常爲作母極爲懊惱今值我時始獲道證阿難合掌重白佛言復修何福豪富猛健佛告阿難乃

往過去迦葉佛時有一老母信敬三寶其家大富合集衆香以油和之欲往塗塔於其中路逢三十二人因而勸之我欲以油塗塔可相助佐當得福德世世所生端正多力時三十二人歡喜共去塗塔已竟各作是言由是老母故令我等得種於福業願所生處尊榮是波斯匿王是我曹主云何懷惡而欲危害即除器仗自投王前求哀請過王亦釋然不問其罪爾時世尊因爲四衆廣說諸法善業應修惡行應離敷演分別四諦妙法衆會聞者皆得道證受持佛教歡喜奉行設頭羅健寧緣品第三十四

如是我聞一時佛在羅閱祇竹園中爾時賢者阿難從座而起整衣服長跪又手前白佛言阿若憍陳如伴黨五人宿有何慶依何因緣如來出世法故初震獨先得聞甘露法味特先得嘗唯願垂哀具爲解說於時世尊告阿難言此五人者先世之時先食我肉致得安隱是故今日先得法食用致解脫爾時阿難重白佛言先世食肉有何因緣願具開示佛告之曰過去久遠無量無數阿僧祇劫此爾時三十二人今三十二子是時諸軍衆聞佛所說悲心便息而作是言大王所刑非造爲之此人自種今受其報由殺一牛猶向如富貴恒爲我母我等爲子常莫相離見佛聞法疾得道果老母喜悅便許可之從是以來五百世中恒生尊貴爾時老母今毗舍離是佛所說悲心便息而作是言大王所刑非造夫人嫁女王有慈悲憐念一切人民之類靡

不蒙賴爾時國中有火現相尋見而白王言若火現當旱不雨經十二年今有此變當如之何王聞是語甚大憂愁若有此災何得民物民命不濟無復國土即合羣臣而共議言衆臣咸曰當下諸國計現民口復令筭數倉簞現穀知定斛斗十二年中人得幾

許王從其議即時宣令急勑筭之都計筭竟一切人民日得一升猶尚不足從是已後人民飢餓死云者衆王自念曰當設何計濟活人民因與夫人婢女出遊園觀到各休息王同衆眠寐即從座起向四方禮因立誓言今此國人飢羸無食我捨此身願爲大魚以我身肉充濟一切即上樹端自投於地即時命終於大河中爲化生魚其身長大五百由旬余時國中有木工五人各賣斤斧往至河邊規斫材木彼魚見已即作人語而告之曰汝等若飢欲須食者來取我肉若復食飽可賣持去汝今先食我肉又得充飽後成佛時當

盤七

十六

以法食濟脫汝等汝可并告國人大小有須食者悉各來取五人歡喜尋各研取食飽囊歸因以其事具語國人於是人民展轉相語遍闇浮提悉皆來集啖食其肉一腸肉盡即自轉身復取一腸比復食盡故處還生復轉身與之如是翻覆恒以身肉給濟一切經十二年其諸衆生食其肉者皆生慈心命終之後得生天上阿難欲知爾時設頭羅健寧王者則我身是時五人木工先食肉者今憍陳如等五比丘是其諸人民後食肉者今八萬諸天及諸弟子得度者是我於爾時先以身肉充彼五人令得濟活是故今日最初說法度彼五人以我法身少分之肉除彼三毒飢乏之苦賢者阿難及諸會者聞佛所說且悲且喜頂戴奉行

阿輸迦施土緣品第三十五

如是我聞一時佛在舍衛國祇樹給孤獨園

道中盛各聚地土用作宮舍及作倉藏財寶
五穀有一小兒遙見佛來見佛光相敬心內
發歡喜踊躍生布施心即取倉中名爲穀者
即以手探欲用施佛身小不逮語一小兒我
登汝上以穀布施小兒歡喜報言可余即躡
肩上以土奉佛佛即下鉢低頭受土受之已

盤七

十七

訖授與阿難語言持此塗汚我房乞食既得
還詣祇洹阿難以土塗佛房地齊汚一邊其
土便盡汚已整衣服具以白佛佛告阿難向
者小兒歡喜施土土足塗汚佛房一邊緣斯
功德我般涅槃百歲之後當作國王字阿輸
迦其次小兒當作大臣共領閻浮提一切國
土興顯三寶廣設供養分布舍利遍閻浮提

當爲我起八万四千塔阿難歡喜重白佛言
如來先昔造何功德而乃有此多塔之報佛
告阿難專心善聽過去久遠阿僧祇劫有大
國王名波塞奇典闍浮提八万四千國時世
有佛名曰弗沙波塞奇王與諸臣民供養於
諸塔果報賢者阿難及諸會者聞佛所說歡

佛及比丘僧四事供養敬慕無量尔時其王
心自念言今此大國人民之類常得見佛禮
拜供養其餘小國各處邊僻人民之類無由
修福就當圖畫佛之形像布與諸國咸令供
養作是念已即召畫師勅使圖畫時諸畫師
來至佛邊看佛相好欲得畫之適畫一處志
失餘處重更觀看復次下手志一畫一不能
使成時弗沙佛調和衆采手自爲畫以爲模
法畫立一像於是畫師乃能圖畫八万四千
之像極令淨妙端正如佛布與諸國一國與
一又作告下勑令人民辦具華香以用供養
諸國王臣民得如來像歡喜敬奉如視佛身
如是阿難波塞奇王今我身是緣於彼畫

八万四千如來之像布與諸國令人供養緣
是功德世世受福天上人中恒爲帝主所受
生處端正殊妙三十二相八十種好緣是功
德自致成佛涅槃之後當復得此八万四千

喜奉行

七瓶金施緣品第三十六

如是我聞一時佛在舍衛國祇樹給孤獨園
尔時諸比丘各各異國隨意安居經九十四日
安居已竟各詣佛所詣受聖教尔時世尊與
諸比丘隔別經久慈心愍傷即舉千輻相輪

盤七

十八

神手而慰諭之下意問訊汝等諸人住在僻
遠飲食供養得無乏耶如來功德世無儔類
今乃下意瞻諸比丘特懷謙敬阿難見之甚
惟所以即白佛言世尊最為殊特功德
智慧世之希有今乃下意慰諭問訊諸比丘
衆何其善耶不審世尊興發如是謙卑之言

而遠近耶世尊告曰欲知不乎明聽善思當
為汝說奉教善聽佛告阿難過去久遠無數
無量不可思議阿僧祇劫此閻浮提有一大
國名波羅柰時有一人好修家業意偏愛金
勤力積聚作役其身四方治生所得錢財盡
用買金因得一瓶於其舍內掘地藏之如是

種種勤身苦體經積年歲終不衣食聚之不
休乃得七瓶悉取埋之其人後時遇疾命終
由其愛金轉身作一毒蛇之身還其舍內守
此金瓶經積年歲其舍磨滅無人住止蛇守
金瓶壽命年歲已復向盡捨其身已愛心不
息復受本形自以其身繆諸金瓶如是展轉

經數万歲最後受身獸心復生自計由來為
是金瓶而受惡形無有休已今當用施使福
田中使我世世蒙其福報思惟計定往至道
邊竄身草中匿身而看設有人來我當語之
爾時毒蛇見有一人順道而過蛇便呼之人
聞呼聲左右顧望不見有人但聞其聲復道

盤七

十九

而行蛇復現形喚言咄人可來近我人答蛇
言汝身毒惡喚我用為我若近汝儻為傷害
蛇答人言我苟懷惡設汝不來亦能作害其
人恐懼往至其所蛇語人言吾今此處有一
瓶金欲用相託供養作福能為之不若不為
者我當害汝其人答蛇我能為之時蛇將人

共至金所出金與之又告之曰汝持此金供養衆僧設食之日好捨持一阿翰提來取我舉去其人擔金至僧伽藍付僧維那具以上事向僧說之云其毒蛇欲設供養剋作食日僧受其金爲設美饌作食日至其人持一小阿翰提往至蛇所蛇見其人心懷歡喜慰喻問訊即繫其身上阿翰提於是其人以蠶覆上擔向佛圖道逢一人問擔蛇人汝從何來體履佳不其人默然不答彼問再三問之不出一言所持毒蛇即便瞋恚含毒熾盛欲殺其人還自過折復自思念云何此人不知時宜他以好意問訊進上鄭重三問無一言答何可癡耶作是念已毒心復興隆猛內發復欲害之臨當吐毒復自思惟此人爲我作福未有恩報如是再三還自奄伏此人於我已有大恩雖復作罪事宜忍之前到空處蛇語其人下我著地窮責極切囁誠以法其人於是便自悔責生謙下心垂矜一切蛇重囁及

莫更爾耶其人擔蛇至僧伽藍著衆僧前於時衆僧食時已到住街而立蛇令彼人次第付香自以信心視受香者如是盡底熟看不移衆僧引街達塔周匝其人捉水洗衆僧手蛇懷敬意觀洗手人無有歟心衆僧食訖重爲其蛇廣爲說法蛇倍歡喜更增施心將僧維那到本金所殘金六瓶盡用施僧作福已說便取命終由其福德生忉利天佛告阿難欲知尔時持蛇人者豈異人乎則我身是尔時毒蛇者今舍利弗是我乃往日擔蛇之時爲蛇見責慚愧立誓生謙下心等視一切未曾中退乃至今日時諸比丘阿難之等聞佛盤七

十一

所說歡喜奉行
差摩現報緣品第三十七

如是我聞一時佛住羅闥祇竹林精舍與尊弟子無央數衆尔時國中有一婆羅門居貧窮困乏於錢穀勤加不懈衰禍遂甚方宣理盡衣食不供便行問人今此世間作何等行

令人現世蒙賴其福有人答言汝不知耶今佛出世福度衆生祐利一切無不得度如來復有四尊弟子摩訶迦葉大目犍連舍利弗阿那律等斯四賢士每哀貧乏常行福利苦厄衆生汝今若能以信敬心設食供養此諸賢士則可現世稱汝所願時婆羅門聞諸人

所說如是事已心懷歡喜往其國中遍行自銜作役其身得少財物擔至其家施設飲食請諸賢聖供養一日剋心精熟望現世報婆羅門婦字曰差摩晉言安隱飯僧已訖諸尊弟子勸請差摩受八關齋受齋已訖各還精舍時瓶沙王值遊林澤還來向城道見一人犯王重罪縛著梁頭豎在道邊見王悲哀求索少食王情愍傷即可當與正余別去時王竟日忽忘前事夜卒自念我已先許彼罪人食云何欲志即時遣人致食往與舉宮內外無欲往者咸作是說今是夜半道路恐有猛獸惡鬼羅刹禍難衆多寧死於此不能去也余時

盤十

國王念彼人苦身心煩惱極憐愍之即令國中誰能致食至彼人所賞金千兩國中人民無受募者於時差摩常聞人說若世有人受持八關齋者衆邪惡鬼毒獸之類一切惡災無能傷害差摩聞之便興此心我家貧窮加復受齋今王所募欲爲我耳我今當往受其

募直思惟已定往應王募尔時國王又語差摩爲吾擔食至彼人所若達來還吾定當與汝金千兩差摩即時如勑擔往至心持齋無有缺失順道而行出城漸遠逢一羅刹名曰藍婆彼鬼是時生五百子初生已竟極懷飢渴見差摩來望以爲食然復差摩持齋無缺羅刹見之逆懷怖畏飢餓所逼現身從乞所擔之食持少施我差摩不逆以少與之所施雖少鬼神力故而用飽滿於時羅刹問差摩言汝字何等女人答言我字差摩羅刹歡喜語差摩言今我分身而得安隱由鄉活命益我不少我旣蒙活復聞好字我所在處有一

金持以報卿來時捺取又復問言汝欲何至差摩答言欲持此食往與彼人藍婆又言我有女姝在前住止字阿藍婆卿若見之爲吾問訊云我分身生五百子身體安隱具膳我情令知消息差摩如言順道而至見阿藍婆即出問訊說其藍婆情事委曲生五百子皆悉安隱時阿藍婆聞之歡喜問婦人曰今汝字何女人答我字差摩羅刹聞之亦用歡悅我姊分身復得安隱汝字復好何其善也今此住處有一釜金我用賜卿來時念取又問之曰汝欲何至差摩答言爲王擔食至彼人所阿藍婆曰我有一弟字分那奇住在前路爲吾問訊因瞻姊意即復共辭順道而進到前如意見分那奇爲其二姊具說意狀云被大姊生五百子身輕安隱無有不祥時分那奇聞其二姊平安消息用心歡喜復問差摩汝字何等婦人答曰我字差摩其鬼答言汝字安隱復得傳我姊平安消息倍何快耶

廿二末

即語差摩我此住處有金一釜以用遺卿來時念取辭別已竟引路而去憶識故處至彼人所與食已訖還來本處取金三釜持至其家復於王家得賞金千兩其家於是拔貧即富國中庶民見家內財寶饒多各各慕及樂爲營從來至其家承給使令王聞是人福德如是即召至宮拜爲大臣旣蒙王祿其家又富信心誠篤廣殖福業請佛及僧施設大檀拂與徒衆悉受其請飲食已訖佛爲說法心意開解成須陀洹時諸會者阿難之等聞佛所說歡喜奉行

賢愚因緣經卷第七

盤七

吐哺下音握髮角反簪遲上音挽晚音彎弓上音
還彈扣口音檀下音五發漢書云爲暴虐
下魚惱然上音蔓延上音余羨下音五發十二矢發
下所願上音華屣下音褰衣上音去指口皆忠恪
各天極音挫搏上音根杪下音美梅音鞭必綿譖讒
下助音衡音糧餉下音仇音求簞音模法上音莫竈音等
上側禁音胡音竈音等